



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture,
de l'Alimentation et de la Viticulture

**Äntwert vun der Ministesch fir Landwirtschaft, Ernährung a Wäibau op d'parlamentaresch Fro n°3779
vun der éierewäerter Deputéierten Alexandra Schoos**

- 1. Wéi erkläert d'Madamm Minister d'Ursaache vun der aktueller Penurie, a besteet op Säit vun der Administration luxembourgeoise vétérinaire et alimentaire (ALVA) kee festgeluechte Risikoschwellewäert am Beräich vun de Vaccinen, fir esou Situatiounen am Virfeld ze vermeiden?**
Déi massive Bestellungen an de leschten Deeg hu mat sech bruecht dass d'Stocken onerwaart séier eidel gi sinn. D'Fournisseurs deelen ëmmer Ugangs des Mounts mat wéi vill Vaccin nach disponibel ass.
- 2. Wéi eng Richtlinn fir d'Delaie vun de Rappeller (laut Beschreibung vum Vaccin 4 Wochen) ginn de Veterinaren an der aktueller Situatioun recommandéiert oder virgeschriwwen?**
D'Impfschemaen dei vun den Impfstoffhiersteller virgeschriwwen ginn, solle weiderhin agehale ginn.
- 3. Leien der Regierung präzis Donnéeë vir, déi et erlaben, d'Ausmooss vun der Problematik ze evaluéieren, notament wat d'Zuel vun de betroffenen Déieren ugeet, opgeschlüsselt no éischten Impfungen a Rappeller?**
D'Stocken un Impfstoff waren ausgerechent an ugeluecht ob Basis vum Impftaux vu 70 % deem d'lescht Joer erreicht gi war.
- 4. Wéi eng Mesurë gedenkt d'Regierung ze huelen, falls déi virgeschriwwen Delaien net kënnen agehale ginn an Impfungen doduerch net kënnen realiséiert ginn?**
Mir ginn dovun aus dass d'Reserven déi d'Veterinaren an hire Praxen hunn duergin fir d'Delaie awer anzehalen. Bestellungen vun zousätzlechen Dosen ass amgaangen a wäerten an 2 Wochen disponibel sinn fir dass d'Impfungen korrekt kënnen duerchgefouert ginn.
- 5. Wéi ass d'Responsabilitéit gereegelt am Fall, wou Déieren net fristgerecht virun der "période estivale" kënnen geimpft ginn an domat potenziell Schied entstinn?**
D'Impfung géint d'Blozong ass net obligatoresch. All Betrib entscheet ob en seng Déieren wëll impfe loossen. Mir ginn dovun aus dat genuch Impfstoff do ass fir der Demande gerecht ze ginn.

Lëtzebuerg, den 18. März 2026

(s.) Martine HANSEN

Ministesch fir Landwirtschaft, Ernährung a Wäibau